

芮城縣續志卷三

列女

儒童陰根立之妻杜氏乾隆三十八年題准 旌表
建坊前志已經登載因其時尚未 旌表故續誌
之

監生薛長源妻張氏商州知州困勉之母也夫亡守
節三十六載事衰翁教幼子倍矢苦節後困勉服
官陝右頗著賢聲皆承慈訓年六十五歲卒嘉慶
五年 旌表建坊

薛大業之妻吉氏夫病篤斷指和藥以求療見者皆
垂泣夫歿事邁姑孝養無虧婦兼子職苦節三十
餘年嘉慶五年題准 旌表

薛繼父之妻王氏夫亡時有娠兩月卽誓守冀延嗣
續於一綫後果舉男備極艱苦撫育成立嘉慶五
年 旌表建坊

宋全綱之妻王氏夫歿時氏年二十貧苦無依守志
不貳祭先必誠教子以義卒年七十三嘉慶七年
旌表建坊

張溫恭之妻陳氏色養奉親義方訓子嘉慶八年題
准 旌表建坊

党超祥之妻蔡氏夫歿時氏二十五歲事瞽翁敬養無虧葬祭盡禮年七十二卒嘉慶十一年 旌表

建坊

王璇之繼室陳氏于歸三年夫亡子幼辛勤苦守至六十二歲卒嘉慶二十二年題准 旌表

生員蕭九霞之妻呂氏禮部員外郎樹本母也年二十九孀居子四歲家貧苦節撫孤成立擢魏科躋顯秩皆親見之卒年七十四歲道光七年 旌表

建坊

杜作棟妻趙氏夫歿意不欲生姑勸之曰汝盡節如

老身與諸孤何乃誓守家極貧糟糠不繼紡績奉姑姑沒不以貧廢禮三子皆幼有孤姪失恃並乳哺之後子姪皆成立家漸充年六十八道光九年 旌表建坊

蕭長聰之妻董氏苦節四十餘年壽終七十二歲母儀婦道鄉鄰皆稱敬之道光二十五年 旌表建

坊

廩生姚一鵬妻李氏布經李天仕女夫病劇屬以事雙親撫遺孤且以兄一鶴無後命次子嗣氏泣遵之姑患癱症數年奉侍無懈孝養兼盡子若采廩

生浚采與孫晉璜晉楷俱貢成均曾孫純熙緝熙
入邑庠人以爲節孝之報

監生任若遇繼妻王氏夫歿遺二子俱幼姑病侍奉
勤謹二子先氏卒偕孀媳張氏撫遺孫士昌士彥
成立卒年七十五

張清秀妻閻氏夫歿事孀姑撫遺子備極艱辛孫漢
忠亦克成立叔翁庠生張釭無子氏以次子翔鳳
嗣其後兩門箕裘不墜皆其力也卒年七十一

舉人王維屏妻李氏年二十九夫以家貧力學不第
禮部試賫志以終遺一子名繩武歲方週上有翁

姑皆年邁氏仰事俯畜婦兼子職劬勞備至守節
五十年至七十九而卒繩武妻劉氏夫歿時年二
十一子修敬甫二齡煢煢孤守善事孀姑飲冰茹
蘖勤儉持家姑卒喪葬皆如禮教育幼子苦節五
十二年至七十四歲卒修敬妻趙氏年二十五夫
歿子三歲撫育至於成立祖姑與姑孀居數十年
氏以嫠婦終養餘年畢其大事乃子先氏卒復苦
守一十六年而卒三世苦節竟無延似續者聞者
哀之

張學信之妻尉氏夫歿時氏年二十九事孀姑至九

十餘備得歡心次子思顏嗣伯後教育長子思齊
孫春林松林皆克成立卒年八十三

儒童焦尚文妻閻氏二十七守節事姑及繼姑孝彌
篤課子百忍讀書成名中道光甲午京魁子先氏
卒撫育幼孫鍾秀成立溫恭淑慎歷久彌貞與叔
蔚文妻張氏稱一門雙節

監生薛景雲妻張氏洪先之母也夫亡時氏年二十
九洪先甫十齡餘孤特無依氏以慈代嚴一出一
入束以規矩教以忠誠故得力學有令名洪先故
復教育諸孫皆獲成立苦節四十餘年

監生張廷傑之繼室楊氏夫故時氏年二十四矢志
守節艱苦備嘗撫前房遺女不啻己出視姪如子
苦節四十餘年

監生楊雲會妻張氏年二十九歲夫亡孝事舅姑勤
訓子女躬親織紡家範肅嚴苦節二十餘年子樹
垣弱冠入武庠理家勤儉足慰節母苦志

李德福妻范氏年十七于歸數月夫亡翁年六十餘
續娶理氏生子旭甫二歲理亡氏撫叔成人爲娶
曹氏生二子秉哲濬哲未幾曹亡氏又撫姪成立
叔卽以長子爲氏嗣後膺選拔皆氏孝行所致計

苦節四十年

騎尉楊遇時妻石氏守節四十餘載善事舅姑義方
教子賑飢焚券義行甚多

鹽知事銜楊樹楨妻張氏年二十二歲夫亡子幼氏
孝事姑嫜撫孤成立

生員楊炳離妻張氏平樂府經歷張應斗女也孝事
病姑得堂上歡心夫亡子幼支持家事井井有條
督子讀書嚴而有法好施予親族有求輒應無吝
容亦無德色同治間請旌入祠子三長萬選五
品銜勸辦賑務運糧勤慎中丞獎以飛輓宣勞匾

額次萬青增生散賑認真知縣萬啟鈞保薦以州
吏目用季萬笏少亡妻王氏勵志守貞邑紳薛于
瑛有一門雙烈傳

孫成才妻王氏孝奉舅姑善事兄嫂夫故家寒嗣子
春盛甫三歲撫之成人姪春茂稍長亦視猶已出
績紡度日茹貧食苦宴如也督子孫讀書最嚴孫
繩武以防河獎八品銜姪孫祖武增生曾孫重璠
重璜同榜入庠食餼門祚不衰皆苦節之報

王存敬妻李氏道光九年夫亡時氏年二十三歲卒
年六十苦節三十七年

張星烜妻梁氏道光十年夫亡時氏年二十八歲六十二歲歿苦節三十五年

管如簫妻党氏道光元年于歸氏年十六歲夫故時氏年二十三卒年六十歲苦節三十七年

儒童張祥照嫡妻高氏夫故時年二十五歲卒年六十四苦節三十九年

陳善養嫡妻楊氏夫故時氏年二十六歲歿年六十苦節三十四年

姚定邦妻薛氏夫故時氏年二十四歲歿年四十三苦節二十年

党乙林妻王氏夫故時氏年十九歲歿年六十七苦節四十八年

姚玉琢妻劉氏夫亡時氏年二十五歲守節四十餘年

忽超凡繼妻李氏夫亡時氏年二十七歲守節二十餘年

柳臨川嫡妻王氏夫亡時氏年二十七歲守節三十餘年

張玥妻蕭氏 監生管周禮妾樊氏

監生常保盛妻原氏常有倫妻張氏

王占鰲妻楊氏

劉廷獻妻楊氏

張清選妻王氏

常爲元妻張氏

張翰傑妻党氏

李致道妻陳氏

焦應河妻劉氏

張廷英妻張氏

谷歡收妻楊氏

監生張庚申妻王氏

馬登俊妻楊氏

南華桂妻陳氏

張致德妻高氏

荆大智妻薛氏

生員張有括妻董氏

石成妻韓氏

李毓瑞妻尙氏

曹明亮妻張氏

宋登奎妻閻氏

監生淡如金妻常氏

生員黃榜妾張氏

王體行妻張氏

李重金妻薛氏

王彥秀妻李氏

景世惠妻陳氏

張濬川繼妻楊氏

常爲本妻劉氏

附貢張朋生繼妻柴氏

蔡步霄妻李氏

張恆升妻宋氏

任彥昌妻杜氏

王儀安妻蕭氏

壽官任夢太繼妻劉氏任性太繼妻張氏

王强妻席氏

張之瑜妻許氏

楊崇興妻常氏

党毓春妻張氏

朱清吉妻陳氏

薛舉才妻姚氏

楊登雲妻馬氏

王會圖繼妻常氏

薛得吉妻常氏

楊樹芝妻張氏

薛宰浦妻張氏

監生常爲雅妻董氏

陳其道妻李氏

王安世妻李氏

任世玉妻李氏

前任長甯縣知縣張恆新妻

董文會妻張氏

杜氏

張起玉妻南氏

前明貞女柳氏蘭女

賈本一妻李氏

監生張鳳飛妻張氏

劉階升妻薛氏

舉人焦百忍妻姚氏

以上自姚一鵬妻至焦百忍妻皆於同治間請

旌

張依仁妻蘇氏苦志守節輿論充孚縣令給冰霜貫

節匾

生員樊際會張氏家貧矢志守節數十年如一日訓

子耕讀漸至豐盈六十二歲卒

儒童李縉繼妻曹氏夫書癖成癆卒於伯忠廷開建

縣署氏年十九矢志靡他以姪如棠爲子貢成均

孫三人煥琳職員煥瑛增生煥琇業儒皆其遺教

監生劉學孔繼妻楊氏孝養得翁姑心長子鵬翔先

氏卒依次子鵬翼以終卒年九十二母節子孝孫

峻極梧崗俱入邑庠曾孫寶筏中戊午舉人

劉鵬會妻郭氏夫死無子遺二女母家以其貧苦無
依勸改適氏指天自誓母家知不可奪竟主婚己
與人有成約氏聞之託以他故反夫家卽闔戶自
縊

薛飛虎妻李氏二十五歲夫亡姑老子幼家甚貧績
紡度日仰事俯畜既孝且慈七十二歲卒

儒童薛五德妻杜氏侍姑篤疾衣不解帶夫歿遺二
子甫襁褓家計艱難苦守四十餘年二子皆成立
儒童李若桂妻杜氏夫歿遺二女撫姪西庚爲子孝

養舅姑訓子女有法卒年六十

儒童李若梅妻朱氏夫亡時長子西奎甫九歲次子
西齡歲未週撫育至於成立苦節數十年與夫嫂
黃氏稱爲一門雙節

儒童李重華妻韓氏孝事翁姑和睦妯娌孀居數十
年艱苦備嘗現年八十有三子作楨例入成均氏
年七十張學使給匾旌之

楊永建妻陳氏二十八歲夫歿遺腹子暢生越明年
翁姑相繼卒喪葬皆如禮勤苦度日井臼親操孫
國棟曾孫象賢耕讀傳家克承慈訓守節三十餘

年

儒童張寅斗妻樊氏廩生樊士薰之女夫歿時氏年二十五無子或勸他適誓以死守翁姑卒曲盡禮節撫夫弟庠生相清子女各二愛如已出教養有法苦節三十餘年

監生焦蔚文妻張氏夫歿時遺二子長際桐四歲次鳳桐歲未週上事就衰之翁姑下撫襁褓之子女艱苦備嘗矢志不貳初于歸時嫂已孀居氏視姪猶子教養至於成立姪百忍字蔭桐道光甲午順天舉人氏卒年六十四

芮城縣續志

卷二

列女

十

王興武繼室蘇氏二十九孀居四子俱幼長子修禮前室出愛逾已生上侍老姑下撫幼子事畜勤劬備嘗艱苦守節近四十年長子援例入成均
董太陽妻劉氏夫歿時氏年二十八遺二子皆幼家無擔石鄰媪有勸嫁者氏指天自誓願守節以終
長子智鶴遠出無耗次中鶴頗盡孝孫四人皆成立苦節三十九年至六十七歲卒
生員李臨陽妻孫氏年十七于歸克盡孝道二十二夫歿遺一子襁褓撫以成立又少亡遺孫養潔養密氏訓課甚嚴令成立守節五十餘年

薛端本妻呂氏二十三孀居遺子迪吉漢章俱幼撫育至於成立卒年七十三

李養性妻李氏二十九夫亡翁姑年邁家計艱難氏事之甚孝有三子次三幼殤持家勤儉家道漸昌教長子殿桂慈濟以嚴未幾入成均孫應愷亦遊庠年七十二卒

姚東萊妻范氏年二十守節孝事翁姑撫幼子大定成立艱苦備嘗卒年七十八

李生花妻段氏生子文明尚幼夫即歿氏年二十八仰事撫畜白首彌貞至八十歲卒

薛大成妻李氏年二十二夫歿撫孤成立至八十餘歲卒

薛玉璋妻李氏夫歿時年二十三孝親慈幼苦節三十七年

張金生妻李氏年二十八歲夫亡後三月生子撫孤守節備嘗艱苦卒年五十五歲

府經歷張道傳妻李氏湖南寶慶府知府李指南女通翰墨常以經史自娛年二十九歲夫亡撫姪俊士爲嗣事姑孝謹訓子有義方後俊士服官陝右頗著政聲得力於母教居多卒年六十八

李晟妻蔡氏年二十六歲夫故家寒親老子幼孝事
舅姑慈撫孤兒家聲克振氏之力也苦節凡三十
四年

薛小序妻郭氏孝事病姑十餘年不少倦撫螟蛉董
積理無異所生理七歲自塾歸氏訓之曰汝當刻
苦攻書學立人品無負我心後果入邑庠

薛繼之妻李氏夫亡時氏年甫十八矢志守貞日夜
事孀姑不出戶庭卒年六十二歲苦節四十四年
李作舟妻高氏夫故時年三十子寶慶尋亡氏撫二
孫茹苦守志四十二年教二孫俱各成立長孫蔭

清已列鬢序寶慶妻蕭氏年二十六亦苦節事姑
撫子二十七年各極劬勞一門雙節鄉里欽之

李占元妻曹氏總兵玉安之母也年二十五歲夫亡
家貧苦志撫孤備歷艱辛後以子貴膺三品誥命
壽八十九歲人以爲苦節之報

周治敘妻王氏舉人王夢奎女弟也年二十八夫亡
家極窘子女俱無祖姑及姑皆衰老姑泣謂氏曰
天絕周氏人其奈何毋誤汝終身氏誓相依以績
紡度日生養死葬盡孝盡禮撫姪爲子愛若所生
苦節凡四十年

生員薛德耀妻張氏孝翁姑和妯娌翁有所需輒典當以應命如此者數十年

拔貢張聯甲妾梁氏生子續聲十歲夫亡氏年三十家計艱苦勤績撫孤二十餘年間里毫無間言

舉人李雄鼈妻陳氏年三十歲夫亡事繼姑以孝稱博涉羣書長於詩古督課孫曾至今書香不絕壽八十一歲

舉人閻育杰妻王氏年二十八歲夫亡生子三守節孝姑兼有義方之訓壽九十有五子孫林立多人

邑庠

生員李清寶妻姚氏年一十九歲夫亡子僅數月尋亦夭衰姑在堂誓終孝養數十年如一日夫兄生員清瑞夫婦俱亡遺子無依時值大荒推食哺之欲延李氏一綫由是食不給三十餘年之苦節以困餓亡聞者悲之

王銘金妻董氏廩生之權祖母也夫故時氏年二十七柏舟矢志勤儉持家權未週歲失恃氏撫育成立壽八十四苦節五十七年

張文通妻鄭氏年二十九夫亡子幼苦節撫孤卒年五十九歲

李志金妻段氏年三十夫亡無子撫姪爲嗣家道窘迫備歷艱辛苦節凡四十年

李天富妻張氏年二十五夫亡無子姑老姪幼家計單寒苦節凡四十年

張嘉樂母尙氏事親孝謹持家勤儉訓子有義方子孫林立曾元繞膝五世同堂皆氏淑德所致

張俊英妻焦氏年二十七歲夫亡守節三十七年卒
王榮妻李氏年三十歲夫亡撫姪爲嗣苦節凡四十六年

郭國太妻劉氏年二十七夫亡子幼撫養二十餘年

芮城縣續志

卷二

列女

十四

子亦天苦節凡三十三年

郭集泰妻王氏年二十二夫亡遺子甫三月越三年亦天撫姪爲嗣守節凡三十年

趙七莊妻李氏年二十二夫亡子幼家貧苦守織紡度日壽至九十歲

府經歷郭建坤妻張氏年二十四夫亡撫姪襄爲嗣教訓成立守節凡三十五年

楊宗漢妻張氏年二十七夫亡家窶貧孝親撫嗣竟夜績紡以資事畜如此者四十餘年後子孫林立曾元蔚起人以爲苦節之報

高步秀妻党氏年二十六夫故家貧子仰青幼氏課
耕紡織攻子讀書入邑庠苦節凡三十五年

王致彥妻廉氏年二十四夫故守節六十二年

張應昌妻章氏夫亡時氏年二十九歲苦節凡三十
八年

党君計妻姚氏夫故時氏年二十四孝翁姑撫子女
備歷艱辛苦節凡四十年

楊維益妻王氏夫亡時年二十六歲孝親撫孤日夜
勤謹如此者四十餘年

曹遇春妻李氏年二十六歲夫亡子數月孝事翁姑

撫育孤嬰苦節凡三十八年

張普化妻章氏夫亡時氏年二十八歲守節凡四十
二年

楊登彥妻張氏夫亡時氏年二十九歲孝姑訓子備
極懇勲守節五十年

楊第奎妻張氏年二十六歲夫亡上奉衰翁下撫幼
子課耕勤織苦節三十四年

董志芳妻楊氏年二十八歲夫亡孝姑撫子苦志耕
織三十年如一日

王立德妻許氏年二十二歲夫亡撫孤成立備極艱

辛守節五十八年

王善梅妻董氏年十九于歸未兩旬夫故撫侄爲嗣
矢志守節歷四十六年如一日

馬義良妻董氏夫亡時氏年二十五歲子幼家貧織
紡度日苦節四十年

王九賦妻楊氏年二十六歲夫故守節四十三年

監生劉應魁妻董氏年十九歲夫亡子幼姑老家貧
矢志靡他仰事俯蓄恃紡織爲生苦節三十六年

王和林妻李氏年二十八歲夫亡無子撫侄爲嗣慈
愛倍摯苦節四十五年

劉紀妻陰氏夫亡時氏年二十九歲子甫數月苦節
撫孤訓以義方子丕基入成均孫應灼列邑庠守
志二十七年

李士昂妻董氏年二十五歲夫亡守志苦節三十四
年

州同張樹鸞之長女許配荆姓未于歸夫亡誓不他
適冰玉矢志年二十九歲卒

馬學廣妻張氏年二十七歲夫故家貧撫侄爲嗣攻
書授室備極劬勞苦節四十五年

張玉義妻蕭氏年二十九歲夫故苦節撫孤七十一

歲卒

王秉全妻劉氏夫故氏年二十八歲家貧子幼勵節全貞竟以光緒四年荒餓死年六十八歲苦節凡四十年

劉發昌妻關氏夫亡時氏年二十八歲翁姑年近古稀氏誓守養親績紡度日苦節三十四年

王成禮妻宋氏年二十歲于歸數月夫出外貿易音信斷絕氏撫養幼侄成立苦節五十一年

張位中繼妻任氏夫故時年二十九歲鬻首飾供前室子安國讀書凡十餘年後益窮迫以耕織度日

芮城縣續志

卷二

列女

十七

苦節三十六年

張元魁妻李氏歲貢李如棠女也年二十三歲夫故孝事舅姑善撫弟侄卒年六十歲

馬學全妻雷氏年二十九歲夫故其先世寄居雒南孀居子幼族人遇之少恩氏攜孤歸芮艱苦備嘗卒成其志卒年七十一歲

張勤政妻王氏年二十八歲夫亡無子撫侄爲嗣愛如己出卒年七十二守節四十餘年

張曜升妻韓氏年二十九歲夫亡勵節事衰親孝撫猶子慈苦節四十三年

劉藻妻楊氏年二十七歲夫亡撫侄愛逾已出歲大
荒侄逃外氏自傷無依預備棺衾絕食而亡卒年
五十九歲

李金元妻曹氏年二十七歲夫亡無子奉姑撫侄績
紡度日姑歿葬以禮八十二歲卒

郭建鼎妻李氏年二十四歲夫亡無子奉祖姑舅姑
孝養懇至艱苦備嘗守節三十四年

忽自立妻孫氏年二十九歲夫亡撫侄爲嗣事兄嫂
如翁姑守節三十三年

宋登朝妻原氏年一十九歲夫亡子幼孝親撫孤矢
志不移守節四十一年

張開有妻章氏年二十八歲夫故家貧子僅數月晝
課耕夜紡織苦節五十六年

高安仁妻范氏年二十六歲夫故子幼守節撫孤者
三十七年

高克勤妻楊氏年三十歲夫亡守志撫孤苦節四十
三年

衛自屏妻荆氏年二十九歲夫亡守節三十一年
王現鰲妻李氏年二十六歲夫亡守節二十四年

董庭愷妻王氏年二十七歲夫故孝事翁姑撫侄猶

子守節四十六年

蕭占元妻董氏年二十七歲夫亡撫幼子孝翁姑守

節四十三年

曹福會妻李氏年二十二歲夫亡無子遺一女氏撫

侄爲嗣教養婚嫁備歷艱辛苦節四十六年

趙錫盈妻范氏年二十八歲夫亡遺二子撫育成立

壽八十二歲

趙錫盛妻薛氏年二十歲夫亡子幼孝親撫孤卒年

七十七歲

趙庚勞妻李氏夫故時氏年一十九歲子女俱無撫

芮城縣續志

卷三

列女

十九

侄爲嗣苦節三十三年

郝天性妻任氏年二十五歲夫亡子幼苦節四十餘

年

蕭思忠妻雷氏年二十五歲夫亡撫遺腹子至授室

後又率撫孫成立卒年六十

閻紹縉妻張氏舉人張銘西女也夫亡時氏年二十

三歲有義方之訓子侄孫曾多入邑庠苦節四十

二年

薛龍駒妻關氏年十六于歸孝事翁姑嫻守閨訓卒

年六十歲

趙致祥妻朱氏年二十三歲夫亡子幼撫孤全貞苦

節二十四年

董喜妻薛氏年二十二歲夫亡孝親撫孤苦節四十

八年

許子駟妻王氏增生文庵孀母也夫亡時氏年二十

五歲事親孝撫侄慈苦節凡三十二年

劉金楹妻薛氏夫亡時氏年二十四歲事翁撫孤備

嘗艱苦矢志靡他苦節四十四年

李三合妻董氏年三十三歲夫亡子幼矢志守節七

十餘歲卒

芮城縣續志

卷二

列女

二十

王安平妻王氏夫故時氏年二十八歲家貧親老氏

以孝聞苦節凡四十年

王清泰妻張氏夫故時氏年二十六歲撫孤孝親守

節凡二十八年

李彥平妻張氏夫亡時氏年二十八歲無子撫侄猶

子苦節四十四年

王定文妻黃氏夫故時氏年二十二歲孝事孀姑慈

撫侄子苦節二十八年

孫敏志妻龐氏夫故時年二十八歲無子撫幼弟成

立爲謀婚娶弟生子繼以爲嗣苦節四十二年

蔡鸞聲妻趙氏年二十八歲夫亡子幼勵志守貞苦節四十七年

曹聯星妻党氏夫故時氏年二十五歲無子女孝翁姑勤耕織苦節三十七年以姪孫承夫嗣

閻克讓妻馮氏年二十三歲夫亡子幼孝事翁姑撫育子女苦節二十九年

以上自張依仁妻蘇氏起至此皆於光緒六年知縣萬啟鈞學官董 淼石向陽詳請 旌表

鄭國澤妻李氏夫亡時氏年二十八歲子女俱無姑老家貧誓終奉養姑歿鬻產以葬悉如禮現年六

十六歲

胡宗義妻劉氏夫故時氏年二十九歲孝事衰姑慈撫幼姪現年六十三歲

石清廉妻王氏夫故時氏年二十八歲孝事衰姑撫育幼子苦節已四十年

姚晉璫妻張氏年二十九歲夫故無子事姑撫姪孝慈兼盡尋姪亡撫姪孫高墉爲嗣現年七十餘歲

杜鴻翔妻趙氏年二十八歲夫亡孝翁姑和妯娌現年六十九歲鄉里共稱其賢

從九吳肇基母王氏年二十八歲夫亡矢志守貞現

年六十七歲

孫效珠妻沈氏年二十四歲夫亡子女俱幼家極貧

飲冰茹蘖艱苦備嘗現年七十六歲

李邦盛妻原氏年二十七歲夫亡姑老子幼家貧晝

課耕夜績紡孝親撫孤備嘗艱苦現年六十八歲

王殿文母汪氏年二十九歲夫亡遺二子幼守節撫

孤現年七十三歲

劉熙泰妻張氏夫故時氏年一十九歲子女俱無撫

姪清彥爲嗣孝事翁姑婦兼子職現年八十歲

李思洛妻張氏夫故時氏年二十六歲事姑撫幼盡

孝盡慈現年五十二歲

楊希聖妻董氏夫故時氏年二十二歲孝事翁姑慈

撫子女苦節已三十六年

王陶鎔妻范氏夫故時氏年二十一歲貞節自矢孝

親撫孤苦節已二十七年

宋昌運妻高氏年二十三歲生子十日夫亡氏守節

茹苦迄今二十有八年

劉發秀妻李氏年二十五歲夫亡有遺腹子親老家

貧躬勤績紡養親撫孤鄉人共欽其德

任建元妻樊氏年一十九歲夫亡守節已三十餘年

李邦榮妻曹氏年二十歲夫亡子幼冰玉盟心義方
訓子壽七十一歲媳陳氏二十八歲孀居孝親撫
孤守志己二十八年人羨一門雙節

李崇源妾任氏年二十八歲夫亡無子撫姪茂春爲
夫嗣固守清貧績紡度日現年四十八歲姪媳樊
氏年三十孀居孝養翁姑和睦妯娌現年五十二

歲

張擲藻妻李氏夫亡氏年二十五歲松筠勵志金石
盟心現年四十六歲

李錫介妻閻氏年三十歲夫亡苦節己二十一年

芮城縣續志

卷三

列女

二十三

蔡重寬妻張氏年三十夫亡無子奉養繼姑撫育胞
姪盡孝盡慈鄉里無間言現年五十四歲

李志善妻蔡氏年二十六夫亡遺二子孝親撫孤苦
節己三十五年

王彥秀妻李氏年二十八歲夫故現年七十歲守節
四十二年

郭啟堂妻劉氏年二十四歲夫亡孝事繼姑義方訓
子後長男秉坤入武庠慈訓之力也現年五十一
歲

石雲秀妻楊氏年二十六歲夫亡子幼事親撫孤歷

盡艱辛其後子泉克成立例捐州同家道漸豐雙
孫繞膝皆楊之德也

陰祥泰妻薛氏夫故時氏年二十五歲子女俱幼翁
姑衰老盡孝盡慈織紡度日苦節四十六年

以上自鄭國澤妻李氏至此皆係現存節婦容俟

他日請 旌

古蹟

唐右武衛中郎將董昭塚

在縣東三十五里坑南關村舊志以爲董丞相塚傳聞之誤也茲得墓道石特更正之按墓誌昭字夏慶隴西狄道人仕爲右武衛中郎將充太倉使以天寶五載卒年八十二於天寶六載葬此

鳳凰臺

卽高峯嶺在縣東四十五里伏龍村東南里許北距項羽城前臨大河脈自中條綿延數十里至此巍然峙立相傳建廟時有鳳鳴其上因以名臺焉

祥

乾隆五十年歲歉 奏請發賑用銀三千四百五十
八兩零

嘉慶十年秋禾被旱成災 奏請發賑計散穀二千
六百三十五石有奇又用銀二千五百三十餘兩
另設粥廠用穀四千八百三十六石零並奉

旨蠲免地丁銀五千四百六十六兩一錢五分一厘

嘉慶二十年九月二十一

旨緩征錢糧

道光十五年歲 二十六年大饑

芮城縣續志

卷三

祥異

二十六

光緒三年大 十二月不雨秋無禾斗麥

價值二 多 亡四年荒旱相繼直至五年

春無兩赤 全晉大饑省南尤甚斗米價至

四兩人心惶惶肆行搶奪居民始則賤售產業繼
則鬻賣妻子草根樹皮掘剝殆盡饑民相噬甚或
殘及骨肉生計窘蹙每有相率投繯赴井以死者
誠千百年未有之奇災也幸 爵撫憲曾 連章

入

告仰蒙

皇仁蠲錢糧發帑銀撥山東江鄂 米

諭東南各督撫協濟賑銀以資拯救並

命前工部右侍郎閻 稽查賑務百萬哀鴻始有生氣

芮界在南疆受災尤重知縣萬啟鈞目擊時艱憂
惶無地未及請命先放倉穀二千九百餘石至七

月開賑按三廂四都設賑局八處以邑紳王振鐸

王均 琛 李生華薛登瀛李玉堂張拱劉勅基楊萬青

張聯鼎陳廉訓張鵬舉孫新慶薛于瑾焦桐劉蔭

榕郭邦彥張萬青李秉哲焦逢春薛天相張懋彬

二十二人分司之轉運則專任訓導劉子秀邑紳

楊萬選薛莊焦立登四人而李生華薛登瀛楊萬

青焦桐郭邦彥張萬青亦帮理焉採買賑糧則張
金鑑焦立堂也議定章程造具極次貧清冊預將
賑糧儲局令饑民就近請領糧或不給以錢代之
斷續放至五年四月止計散過穀麥雜糧一萬六
千六百餘石制錢一萬三千七百餘緡所有賑需
則動用倉穀四千五百餘石平陽帖謝運來賑糧
一萬六百餘石賑銀六千兩四川程方伯捐銀二
百五十兩本邑捐輸銀二萬餘兩也又於光緒四
年撥發籽種銀四千兩五年發耕牛馬匹共三百
五十頭減價散賣卽以所收價銀一千九百四十

五兩餘散爲開墾之資六年復發開墾荒地銀三千兩計自遭災來光緒三年 奏請

蠲免上忙未完暨下忙地丁銀二萬七千四百一十四兩八錢六分四厘四年分地丁銀三萬六千七百九十五兩三錢九分四厘五年麥收豐稔各處陸續開征知縣萬啟鈞深悉芮邑困憊情形較甚他邑稟懇免征以紓民困仰蒙 爵撫院曾 俯充轉奏復荷

加恩着將五年分地丁銀三萬六千八百七兩四錢一分五厘概予蠲免並將民借常平社義倉穀一律

芮城縣續志

卷二

祥異

二十八

豁除經委員會勘 奏奉

恩旨永免河灘租穀二百六石九斗一升四合其荒地錢糧無主者自五年起停征四年有主者停征三年州守馬丕瑤復請 奏免六七兩年分下忙地丁暨荒地兩忙計每年免征正銀二萬一千六百九十二兩三錢四分三厘耗銀二千八百一十七兩七錢六分九厘恩疊邀夫格外民幸慶夫更生浩蕩

天恩至三至再皆仰賴我 宮保 欽憲嘉惠元元之至意 道憲 州尊左提右携之宏猷也而辦賑

官紳微勞必錄獎敘倖邀憲德高深詎有涯涘哉
又江浙鉄淚圖捐於五年冬浙紳金苔人觀察奉
委助賑來芮散銀一萬四千八百兩有奇例得
附記以彰義舉

光緒五年狼出爲患田鼠傷禾本道州諭令懸賞掩
撲鼠患始息狼患亦寢減焉 三月雨木冰

五月十一日地震

光緒六年正月二十六日地震